

Incumbensa Caluori concernent la finanziaziun da la scola en l'ospital

Tenor la disposiziun dal departament d'educaziun, cultura e protecziun da l'ambient dals 15 da zercladur 2015 na vegnan uffants ospitalisads betg pli resguardads sco scolar(a)s da la scola speziala, mabain sco scolar(a)s da la scola regulara, e quai a partir dal 1. da schaner 2016. Per l'instrucziun da scolar(a)s da la scola regulara ed uschia er per ils custs da l'instrucziun en la scola en l'ospital èn responsabels ils purtaders da scola respectivs da las vischnancas. Correspondentamain ston vegnir mess a quint a la vischnanca respectiva ils custs cumplains per l'instrucziun en l'ospital sco er en la staziun da la psichiatria d'uffants e da giuvenils PUG dal Grischun, quai vul dir ina tariffa da 125 francs per di da scola. Per ils purtaders da scola da las vischnancas signifitga quai custs supplementars envers la regulaziun veglia da 104 francs per di da scola. En cifras absolutas resultan per las vischnancas custs supplementars da ca. 150 000 francs (media dals dis da scola 2013 e 2014). Tar la calculaziun da las pauschalas per scolar(a) èn ils custs supplementars ch'il chantun paga a las vischnancas percuenter vegnids fixads uschia, che las vischnancas survegnan tut en tut indemnissads ils custs supplementars. Tut tenor ils dis d'ospitalisaziun che ston vegnir pajads da la vischnanca da scola respectiva datti ina sut- u ina surcumpensaziun.

Tenor la regulaziun veglia vegniva giuditgà medicinalmain, sch'in uffant ospitalisà era en cas da frequentar l'instrucziun. Sche la resposta era positiva, cumenzava l'instrucziun en l'ospital. Als purtaders da scola en las vischnancas vegniva messa a quint la tariffa da 21 francs per di da scola, in import che vegniva normalmain pajà senza opposiziun.

L'experiencescha mussa che circa 50 % dals dis da scola ch'èn resultads pervia d'uffants ospitalisads na vegnan betg pli pajads sut la nova regulaziun cun in renviament a la basa legala mancanta. En la pratica n'èsi betg realisabel che l'ospital va a dumandar la permissiun da mintga purtader da scola communal respectiv. Primo sa tractassi d'ina lavur administrativa sproporzionada. Secundo sto la decisiun d'instrucziun vegnir dada entaifer 24 fin 48 uras, quai che chaschunass tar ils purtaders da scola ina situaziun che fiss lunsch davent da la pratica.

Entant che las scolas en l'ospital èn vegnidas manadas pli baud praticamain en tut la Svizra sco scolas spezialas, è quai sa midà oz en blers chantuns, uschia per exempel en il chantun Turgovia ed en auters chantuns da la Svizra orientala. En il chantun Turgovia èn las scolas en l'ospital francadas dapi l'onn 2011 en la lescha davart la scola populara sco purschidas da furmaziun independentas. L'ordinaziun respectiva prevesa il suandant:

- Instruids vegnan uffants e giuvenils en la vegliadetgna dad ir a la scola populara, q.v.d. er ils giuvenils dals gimnasis inferiurs, dals quals la dimora a l'ospital dura previsiblamain almain in'emna.
 - La decisiun davart l'instruibladad vegn prendida da la scola en l'ospital, ils purtaders da scola vegnan infurmads correspondentamain.
 - En cas da scolar(a)s extrachantunal(a)s vegn procurada ordavant resp. uschè svelto sco pussaivel ina garanzia da surpigliar ils custs.
1. Las sutsegnadras ed ils sutsegnaders pretendan da la regenza da crear la basa legala en la lescha da scola che regla la gestiun d'ina scola resp. d'ina scolina en l'ospital tras ils furniturs da prestaziuns en il sector da sanadad cun ina incarica da prestaziun correspondententa. Correspondentamain sto la lescha vegnir adattada uschia che:
 - a) la decisiun davart l'instrucziun tras la scola en l'ospital vegn prendida a partir dal 5. di ed il purtader da scola sto vegnir infurmà;
 - b) ils custs cumplains vegnan mess a quint mintgamai per la mesadad als purtaders da scola da las vischnancas respectivas ed al chantun. La tariffa dals custs cumplains sto vegnir approvada periodicamain da l'uffizi per la scola populara ed il sport.
 2. Las sutsegnadras ed ils sutsegnaders pretendan ultra da quai da la regenza da stgaffir la basa legala er areguard scolar(a)s da la scola media e da la scola professiunala conform a la cifra 1 qua survart – analogamain al chantun Turgovia. En quest connex vegnan ils custs cumplains mess a quint als uffizis ch'èn cumpetents per las scolas medias e per la furmaziun professiunala.

Cuira, ils 19 d'october 2016

Calouri, Bucher-Brini, Casty, Albertin, Atanes, Baselgia-Brunner, Blumenthal, Caduff, Cahenzli-Philipp, Casanova-Maron (Domat), Casutt-Derungs, Cavegn, Caviezel (Cuira), Clalüna, Darms-Landolt, Dermont, Dosch, Epp, Fasani, Florin-Caluori, Foffa, Gartmann-Albin, Geisseler, Hitz-Rusch, Holzinger-Loretz, Hug, Jaag, Jeker, Kunfermann, Locher Benguerel, Mani-Heldstab, Märchy-Caduff, Marti, Michael (Donat), Niederer, Niggli-Mathis (Grüsch), Paterlini, Perl, Pult, Sax, Schneider, Stiffler (Tavau Platz), Stiffler (Cuira), Thöny, Tomaschett (Breil), Tomaschett-Berther (Trun), Troncana-Sauer, von Ballmoos,

Waidacher, Widmer-Spreiter, Wieland, Zanetti, Berther (Segnas), Bonderer, Cantieni, Engler (Surava), Gugelmann, Horrer, Natter, Pfister, Ruckstuhl, Vassella